

গণপ্রজাতন্ত্রী বাংলাদেশ সরকার

জাতীয় রাজস্ব বোর্ড

রাজস্ব ভবন

সেগুনবাগিচা, ঢাকা-১০০০

বাংলাদেশ ট্যাক্স ল'ইয়ার্স এসোসিয়েশন (বিটিএলএ) এর সম্মানিত প্রতিনিধিগণের সাথে ২৬ ডিসেম্বর ২০১৬ খ্রিঃ তারিখ দুপুর ২.০০ ঘটিকায় ঢাকার কাকরাইলস্থ (আই.ডি.ই.বি) ভবনে অনুষ্ঠিত এনবিআর এর মত বিনিময় সভায় জনকল্যাণে রাজস্ব আহরণে সর্বাঙ্গিক সহযোগিতার অঙ্গীকার

বাংলাদেশের উন্নয়ন অভিযাত্রা অব্যাহত রাখার স্বার্থে বিশেষ করে রূপকল্প-২০২১ ও রূপকল্প-২০৪১ বাস্তবায়নের জন্য অভ্যন্তরীণ সম্পদ হতে রাজস্ব আহরণের উপর সরকারের নির্ভরশীলতা ক্রমাগত বৃদ্ধি পাচ্ছে। বর্তমানে অভ্যন্তরীণ রাজস্বের প্রায় ৮৫% জাতীয় রাজস্ব বোর্ড আহরণ করে থাকে। তন্মধ্যে আয়কর হলো সর্বোত্তম কর ব্যবস্থা। কাজক্ষিত রাজস্ব প্রবৃদ্ধির মাধ্যমে জাতীয় অর্থনীতিতে স্ব-নির্ভরতা অর্জন ও সুশাসন নিশ্চিত করে একটি আধুনিক কর ব্যবস্থাপনা কাঠামো প্রতিষ্ঠার লক্ষ্যে জাতীয় রাজস্ব বোর্ড নিরন্তর প্রয়াস চালিয়ে যাচ্ছে। বিগত বছরের নানা সৃজনশীল উদ্যোগের ধারাবাহিকতায় চলতি বছরেও আয়কর ব্যবস্থাপনায় অনেক সহজীকরণ ও যৌক্তিকীকরণ পদক্ষেপ গ্রহণ করা হয়েছে। সুশাসন ও উন্নততর ব্যবস্থাপনা কাঠামো (Good Governance & Modern Management Framework) এর আওতায় 6P (Patriotism, Political Guidance, People, Partnership, Planning, Performance) পলিসি প্রয়োগের মাধ্যমে চলতি ২০১৬-২০১৭ অর্থবছরের নির্ধারিত রাজস্ব লক্ষ্যমাত্রা ২ লক্ষ ৩ হাজার ১৫২ কোটি টাকা অর্জনে জাতীয় রাজস্ব বোর্ড সকল অংশীজনদের সাথে নিবিড় সম্পর্ক তৈরীর উদ্যোগ নিয়েছে। এরই ধারাবাহিকতায় রাজস্ব আহরণ কার্যক্রম জোরদার করার পাশাপাশি সংশ্লিষ্ট সকল অংশীজনদের সাথে নিয়মিত আলোচনা, সংলাপ ও মতবিনিময় সভা অনুষ্ঠিত হচ্ছে।

আয়কর প্রদানকে সামাজিক মর্যাদার প্রতিক হিসেবে প্রতিষ্ঠিত করার নেপথ্যে যারা অগ্রণী ভূমিকা যারা অগ্রণী পালন করেন তাদের মধ্যে আয়কর আইনজীবীগণ অন্যতম। সরকারের রাজস্ব সংগ্রহে আয়কর আইনজীবীগণ মূখ্য ভূমিকা পালন করে থাকেন। অর্থ আইনের মত জটিল বিষয়কে সাধারণ করদাতাদের কাছে সহজবোধ্য করে সরকারের রাজস্ব ভান্ডারে অর্থ যোগানে কর আইনজীবীবৃন্দের ভূমিকা অত্যন্ত গুরুত্বপূর্ণ। আয়কর বিভাগ ও করদাতাদের মাঝে আয়কর আইনজীবীগণ যোগসূত্র হিসেবে দায়িত্ব পালন করেন। তাঁরা এ গুরুত্বপূর্ণ দায়িত্ব পালনের মাধ্যমে সাধারণ জনগণকে সঠিকভাবে কর প্রদানে সচেতন ও উদ্বুদ্ধ করে থাকে। আয়কর আইনজীবীদের সাথে জাতীয় রাজস্ব বোর্ডের পেশাগত সম্পর্ক আরো নিবিড় এবং রাজস্ব সংগ্রহের ক্ষেত্রে তাঁদের প্রত্যক্ষ ও পরোক্ষ ভূমিকাকে আরো সক্রিয় ও বেগবান করার জন্য আজ ২৬ ডিসেম্বর ২০১৬ খ্রিঃ তারিখ বেলা ২.০০ ঘটিকায় ঢাকার কাকরাইলস্থ (আই.ডি.ই.বি) ভবনে এ মতবিনিময় সভার আয়োজন করা হয়। অভ্যন্তরীণ সম্পদ বিভাগের সিনিয়র সচিব ও জাতীয় রাজস্ব বোর্ডের মাননীয় চেয়ারম্যান জনাব মোঃ নজিবুর রহমান উক্ত সভায় প্রধান অতিথি হিসেবে উপস্থিত ছিলেন।

জাতীয় রাজস্ব বোর্ডের সদস্য মহোদয়গণসহ বাংলাদেশ ট্যাক্স ল'ইয়ার্স এসোসিয়েশন (বিটিএলএ) ও বাংলাদেশের সকল জেলার ট্যাক্সেসে বার এসোসিয়েশনের সম্মানিত প্রতিনিধিগণ, অন্যান্য কর্মকর্তাগণ সভায় উপস্থিত ছিলেন। বিটিএলএ ও সকল জেলার ট্যাক্সেস বার এসোসিয়েশনের নেতৃবৃন্দ আয়কর বিভাগের বিভিন্ন কর্মকাণ্ডে আইনজীবীদের সমপূর্ণতা, সহায়তা ও অভিজ্ঞতা নিয়ে বিস্তারিত আলোচনা করেন এবং তাঁরা জাতীয় রাজস্ব বোর্ডের রাজস্ব আহরণ বিষয়ক কাজে জনস্বার্থে তাঁদের নিজ নিজ অবস্থান থেকে সর্বোচ্চ সহযোগিতার আশ্বাস দেন। চলতি অর্থবছরের নির্ধারিত রাজস্ব লক্ষ্যমাত্রা অর্জনে গৃহীত নানা উদ্যোগ বাস্তবায়নের জন্য জাতীয় রাজস্ব বোর্ডের প্রত্যাশা নিম্নরূপ-

- চলতি অর্থবছরের নির্ধারিত রাজস্ব (আয়কর) লক্ষ্যমাত্রা অর্জনে সর্বাঙ্গিক সহযোগিতা প্রদান।

- আপীল, ট্রাইব্যুনাল এবং মহামান্য হাইকোর্ট বিভাগে নিষ্পত্তিযোগ্য মামলাসমূহ দ্রুত নিষ্পত্তির লক্ষ্যে কার্যকরি উদ্যোগ গ্রহণ।
- বিকল্প বিরোধ নিষ্পত্তি (ADR) ব্যবস্থার সফল বাস্তবায়নের লক্ষ্যে সম্মানিত করদাতাগণকে প্রয়োজনীয় উৎসাহ ও পরামর্শ প্রদান।
- সম্মানিত করদাতাগণের নিকট হতে বকেয়া কর আদায়ে প্রয়োজনীয় ভূমিকা পালন।
- আয়কর অধ্যাদেশে ৭৫A ধারার বাধ্যবাধকতা অনুসারে নিয়ম মেনে উৎসে কর কর্তনের ষাণ্মাসিক রিটার্ন দাখিলে কার্যকরি ভূমিকা পালন।
- বাজেট কার্যক্রম এর মাধ্যমে আয়কর অধ্যাদেশ ও আয়কর বিধিমালায় আনীত পরিবর্তনসমূহ ও জারীকৃত প্রজ্ঞাপনসমূহের স্পষ্টীকরণ সহ সম্মানিত করদাতাগণকে কর আইন সম্পর্কে সচেতন করতে হবে।
- করদাতাগণকে যথাসময়ে নিয়ম মেনে আয়কর রিটার্ন দাখিলে প্রয়োজনীয় পরামর্শ প্রদান।
- www.etax.gov.bd হতে অনলাইনে আয়কর রিটার্ন দাখিলের জন্য সম্মানিত করদাতাগণকে উদ্বুদ্ধকরণ ও প্রয়োজনীয় পরামর্শ প্রদান।

সিনিয়র সচিব, অভ্যন্তরীণ সম্পদ বিভাগ ও চেয়ারম্যান, জাতীয় রাজস্ব বোর্ড জনাব মো: নজিবুর রহমান মতবিনিময় সভায় অংশগ্রহণ করার জন্য কর আইনজীবীদের আন্তরিক ধন্যবাদ জ্ঞাপন করে বলেন, সরকারের সর্বোচ্চ রাজস্ব সংগ্রহকারী সংস্থা হিসেবে জাতীয় রাজস্ব বোর্ড তার সকল অংশীজনের সাথে সুসম্পর্ক বজায় রাখার পাশাপাশি সকল ক্ষেত্রে সুশাসন নিশ্চিত করতে অঙ্গীকারবদ্ধ। আমরা 'আন্তরিক অংশীজন সম্পর্ক' বিনির্মাণে ঐক্যবদ্ধভাবে কাজ করে যাচ্ছি। আমি আশা করছি, আগামী দিনগুলোতে কর আইনজীবীদের সাথে আমাদের পেশাগত সম্পর্ক অধিকতর বন্ধুত্বপূর্ণ ও সুদৃঢ় হবে। সকলের আন্তরিক সহযোগিতায় ২০১৪-১৫ ও ২০১৫-১৬ অর্থবছরে সরকার কর্তৃক জাতীয় রাজস্ব বোর্ড এর উপর অর্পিত রাজস্ব লক্ষ্যমাত্রা আমরা শুধু অর্জনই করিনি, তা অতিক্রম করতে সক্ষম হয়েছি। চলতি অর্থবছরে আমাদের উপর অর্পিত ২ লক্ষ ৩ হাজার ১৫২ কোটি টাকার রাজস্ব লক্ষ্যমাত্রা অর্জন করতে সক্ষম হব-ইনশাআল্লাহ।

তিনি আরো বলেন, সম্মানিত আয়কর আইনজীবীগণ দেশ ও জাতির বৃহত্তর কল্যাণে তাঁদের স্ব স্ব দায়িত্ব ও কর্তব্য যথাযথভাবে পরিপালনপূর্বক সরকারের রাজস্ব ভান্ডারকে আরো সমৃদ্ধ করার দৃঢ় প্রত্যয়ে গঠনমূলক, গতিশীল এবং শক্তিশালী ভূমিকা রাখবেন। পাশাপাশি সরকারের রূপকল্প-২০২১ ও রূপকল্প-২০৪১ বাস্তবায়নের লক্ষ্যে সম্মানিত করদাতাদের জন্য সেবাধর্মী ও জবাবদিহিতামূলক একটি শক্তিশালী, আধুনিক এনবিআর গড়ে তোলার লক্ষ্যে আয়কর আইনজীবীগণ আমাদের সাথে আন্তরিকভাবে কাজ করবেন।

অতীতে আপনারা যেভাবে সহযোগিতা করেছেন এবং ভবিষ্যতেও আপনারাদের সহযোগিতা একইভাবে অব্যাহত থাকবে জাতীয় রাজস্ব বোর্ড এ প্রত্যাশা করে।

 24/12/2018

মোঃ আবুল কালাম আজাদ
প্রথম সচিব (ট্যাকসেস লিগ্যাল এন্ড এনফোর্সমেন্ট)
জাতীয় রাজস্ব বোর্ড, সেগুনবাগিচা, ঢাকা-১০০০।